

PONEDJELJAK , 14.09.1992.

U autobusu sjeničkog "Autotransporta" koji saobraća na liniji Beograd - Sjenica negdje na 2 km od Duge Poljane desio se incident. Negdje oko 18 sati jedan od desetak rezervista koliko ih je bilo u autobusu iz čista mira napao je putnika Omera Hajradinovića iz Sjenice.

Po pričanju očevidaca provokacije su počele još od Novog Pazara. Pripiti rezervisti su pjevali nedorečene pjesme iz poznatog četničkog arsenala, u stilu "Spremite se, spremte četnici" i tako dalje. Jedan od njih je potom ustao, pogledao u pravcu Omera Hajradinovića i počeo mu se drati. Izvukao je pištolj i počeo mu se sa povučenim orozom zaprijetio mu kako će ga ubiti. "Zašto me gledaš, ubiću te, ubiti" - govorio mu je, dok su ostali dobacivali kako bi oni i upotrijebili pištolj kad bi ga već izvukli. Omer je bio staložen i miran i samo je odgovorio "Možeš me ti ubiti, ali da izadjemo napolje pa ćemo vidjeti ko će koga". Čitav autobus se uskomješao, no na svu sreću sve se brzo sredilo i na tome se završilo.

U D. Poljani Omer je slučaj prijavio Stanici milicije i na kontrolnom punktu na Golijskom putu intervenisala je patrola vojne policije. Iz priče saznajemo da je nepoznati rezervista ispričao vodji patrole-vodniku Čedi kako ga je Omer prvi napao i potegao pištolj na njega, što nije istina što su i potvrdili i pojedini putnici inače pripadnici srpske nacionalnosti, i da je potom pištolj ostavio u stanici milicije u D. Poljani. Na Golijskom putu svi rezervisti su zadržani a autobus je u Sjenicu stigao sa zakašnjenjem od jednoga sata.

p.s. Nešto bliže o svemu ćemo vas naknadno obavijestiti ukoliko šta novo i saznamo.